



# *Presidentzia de su Consillu de is Ministrus*

DIPARTIMENTU PO IS POLÌTICAS GIOVANILIS E SU SERVÌTZIU TZIVILI UNIVERSALI

**Circulari de su Catòdixi de su mesi de Ladàmini de su Duamilla-e-binti (14/10/2020) cun àinturus is inditus in arrelatu a s'impreu de is operatoris boluntàrius in su tretu de s'emergèntzia cuntagiadora de COVID-DEXENOI (-19) cun referimentu a sa pròroga de su stadu de emergèntzia a su Trintunu de Gennarxu de su Duamilla-e-bintunu (31/01/2021)**

Sa presenti Circulari est affillada segundu a su chi ndi bessit a luxi de sa Delibera de su Consillu de is Ministrus de su Seti de su mesi de Ladàmini de su Duamilla-e-binti (7/10/2020) chi at prorogau, finas a su Trintunu de Gennarxu de su Duamilla-e-bintunu (31/01/2021), su stadu de emergèntzia a s'ghida de s'arriscamentu sanitàriu acapiau a su nasci de patologias chi ndi benint de agentis viralis trasmitidoris.

In consideru de su tèrmini nou de su stadu de emergèntzia, si fait sciri a totus is Entis abaloraus ca funt cunformementi prorogadas finas a su Trintunu de Gennarxu de su Duamilla-e-bintunu (31/01/2021) totus is inditus faidoris stèrrius in sa Circulari de su Trintunu de su mesi de Trèulas (31/07) apena passau (u.s.), cun su matessi ogetu, in arrelatu a s'impreu de is operatoris boluntàrius de su servìtziu tzivili universali in su tretu de s'emergèntzia arremonada e, de tali manera, innui inditata sa data de su Cuìndixi de su mesi de Ladàmini de su Duamilla-e-binti (15/10/2020), andat cumprèndia comentis a su Trintunu de Gennarxu de su Duamilla-e-bintunu (31/01/2021).

Abarrat comentisiat firmu s'inditu chi ndi bessit aforas de sa Circulari de su su Trintunu de su mesi de Trèulas (31/07) apena passau (u.s.), anca si cumbidant is Entis a cunsiderai de pressi s'ocasioni a serrai, una borta po totus, is progetus assugetaus a ddus interrumpi in su mentris e mai torraus a ddus ativai, aundi no nci siant stètias ancora is cunditionis po torrai a pigai su servìtziu ativu.

Su sistema de su servìtziu tzivili universali – a muru muru cun su spìritu e is tentas de is dispositzionis innantis – s'ghit, duncas, a operai po mesu de mesuras deretas a su printzìpiu de flessibilitadi e de simprificatzioni, cun referimentu a is protzeduras e is modus faidoris chi is Entis podint adotai, e a su printzìpiu de siguresa màssima, in arrelatu a s'impreu de is operatoris boluntàrius, tzerrius a dònna modu a nai de eja a pigai servìtziu.

Abarrendi in custa chistioni, cun referimentu a sa traballosidadi de s'emergèntzia in àutu, s'arregordat a dònna Enti de servìtziu tzivili de arrecumandai a totus is operatoris boluntàrius in servìtziu sa necessidadi de tenni is comportamentus de protetzioni personalis inditaus de su Ministeru de sa Saludi a totus is tzitadinus (cunfronta <http://www.salute.gov.it>), aici de cumpraxiri a un'atzioni generali de preventzioni, e de arrespetai is arrègulas ditadas de is decretus guvernativus e de is ordinàntzias affilladas a livellu centrali, regionali e de su logu.



# *Presidentzia de su Consillu de is Ministrus*

## DIPARTIMENTU PO IS POLÌTICAS GIOVANILIS E SU SERVÌTZIU TZIVILI UNIVERSALI

In aciunta a su chi est càpiu in sa Circulari arremonada de su Trintunu de su mesi de Trèulas de su Duamilla-e-binti (31/07/2020), s'amostant unu infatu de s'àteru inditus in prus e acrarimentus a faci a is paràgrafus cincu (5.), dexi (10.) e doxi (12.).

### **5. Atividadi de compidada e apretziamentu**

In arrelatu a is goporàgius, po su Dipartimentu s'Enti de referimentu, chi est responsàbili de imperai comentis si spetat is operadoris boluntàrius, abarrat s'Enti titulari de abaloramentu chi at presentau su progetu. Duncas manca s'Enti, anca pigat servìtziu s'operatori boluntàriu, depit providi a “sa compidada de is atividadis fatas e de is tentas otènnias assumancu dònna scida”, su coordinamentu de is atividadis de compidada de tantu in tantu previdias de su sistema etotu de compidada e apretziamentu abarrat a parti de cumandu a s'Enti titulari, chi s'at a movi a fai preguntàrius a is boluntàrius interessaus e puru a is chi funt incarrigaus de s'ighiri is giòvunus in custu periodu in s'Enti in goparàgiu, poita issus sceti podint esprimi unu feedback a is atividadis fatas in tali periodu de is operadoris boluntàrius.

S'Enti titulari de abaloramentu at a podi verificai su bonu andamentu de is atividadis finas organizendi atòbius de cunfrontu impari cun s'Enti in goparàgiu.

### **10. Cundizioni de is operadoris boluntàrius**

#### *Progetus ativus*

Un'operatori boluntàriu chi tenessit acinnidus chi assimbillint a cussus d-unu cuntàgiu de COVID-Dexenoi depit cuntatai, fora de nci pentzai duas bortas, a su dotori suu de famiglia, chi at a biri sa situatzioni e at a ditzidi chi su tamponi ddu depat fai. Casumai su dotori fessit de s'avisu de ponni s'operatori boluntàriu in isolamentu in domu (o in su mentris chi s'abetat su tamponi), su boluntàriu at a èssiri cunsiderau in maladia straordinaria, cun tanti de presentatzioni de certificatzioni apòsita de su dotori.

Cun referimentu, invècias, a is protzeduras previdias po s'operatori boluntàriu chi pigat servìtziu in is scolas, residèntzias po antzianus o calisisianta – chi est preguntada de un'Autoridadi pùbrica/sanitària de fai is tamponis o is test sierològicus innantis de torrai a pigai servìtziu, o postu chi incapas nci siat una relevadura de cuntàgius – tocat chi s'operatori boluntàriu e s'Enti suu de servìtziu tzivili de referimentu si pongant de comunu acòrdiu cun sa struttura de impreu po benni a sciri sa protzedura spetzìfica de adotai in su tretu de su Servìtziu sanitàriu natzionali. Casumai fessit



# *Presidentzia de su Consillu de is Ministrus*

## DIPARTIMENTU PO IS POLÌTICAS GIOVANILIS E SU SERVÌTZIU TZIVILI UNIVERSALI

necessàriu spendi po anca fai is test o is tamponis, sigumenti su boluntàriu no ddu ritenint sìмили a su personali chi traballat in sa sedi, s'Enti at a providi a antizipai is spesas e a fai is contus a su Dipartimentu po ddas a torrai.

### *Progetus in su mentris interrumpius*

Po is progetus chi funt stètius in su mentris interrumpius e apusti remandaus, est stètiu postu innantis un' àutu aciungidori a su cuntratu a tempus, sotuscritu de is operadoris boluntàrius, po anca formalizai sa pròroga de sa data de scadèntzia. Cun d-una comunicatzioni pubricada in su giassu istituzionali de su Dipartimentu s'at a providi a fai sciri a is Entis e a is operadoris boluntàrius candu custu àutu aciungidori at a èssiri disponibili in s'àrea reservada, po anca ddu sotuscriri e fai lompi a su Dipartimentu.

## **12. Incarreramentus in servìtzium chi funt acanta acanta de ddus fai e arrempratzamentu de is operadoris boluntàrius**

S'amostant de sikhida is datas stabilias, giai comunicadas in su giassu istituzionali de su Dipartimentu, chi ant a podi èssiri imperadas po s'atuatzioni de sa presenti Circulari.

- cuàturu (4), sexi (16), bintitres (23) de Totusantus Duamilla-e-binti,
- duus (2), sexi (16) de mesi de Idas Duamilla-e-binti,
- seti (7) Gennarxu Duamilla-e-bintunu.

## **Dispositzionis de acabu**

Sa presenti Circulari amostat inditus a is Entis in cunsideru de is decretus de su Ministru po is polìticas giovanilis e su sport in data tres abrilis duamilla-e-binti (03/04/2020) e in data doxi maju duamilla-e-binti (12/05/2020) chi, po anca assigurai cun protzeduras simplificadas e lestras s'ativatzioni a nou de is progetus de servìtzium tzivili universali suspèndius o s'insoru interrutzioni de su momentu, ant amìtiu sa pròroga a is dispositzionis in matèria de servìtzium tzivili segundu su Decretu Ministeriali de su bintiduu de Totusantus duamille-e-dexeseti (D.M. 21/11/2017), su Decretu Ministeriali de s'ùndixi maju duamilla-e-dexeotu, nùmeru cincuantotu (D.M. 11/05/2018, n. 58) e su Decretu de su Presidenti de su Consillu de is Ministrus de su catòdixi gennarxu duamilla-e-dexenoi (DPCM 14/01/2019), e rinviat a una o prus Circularis de su Dipartimentu po is polìticas giovanilis e su Servìtzium tzivili universali po sa disciplina acapiada a is visuras organizadoras e faidoras. De cunsequèntzia sa presenti Circulari pesat in sa normativa segundària arremonada e duncas in calincuna cundizioni càpia in is cuntratus de servìtzium tzivili sotuscritus intra su Dipartimentu e is operadoris boluntàrius e in calincunu elementu de is progetus de servìtzium tzivili universali aprovaus



# *Presidentzia de su Consillu de is Ministrus*

## **DIPARTIMENTU PO IS POLÌTICAS GIOVANILIS E SU SERVÌTZIU TZIVILI UNIVERSALI**

e finatziaus segundu is decretus de su Meri de su Dipartimentu nùmerus cuàturu centus-e-setantanoi, cincu centus-e-dexeotu e cincu centus bintunu (nn. 479, 518 e 521), a s'unu e a s'àteru in data doxi de Trèulas duamilla-e-dexenoi (12/07/2019), dexenoi austu duamilla-e-dexenoi (19/08/2019) e bintises austu duamilla-e-dexenoi (26/08/2019).

Sa presenti Circulari produsit efetus a cumentzai de su sexi de ladàmini duamilla-e-binti (16/10/2020) finas a su trintunu gennarxu duamilla-e-bintunu (31/01/2021), acabu de imoi de su stadu de emergèntzia.

Chi abisòngiant acrarimentus interpretadoris, si impunnat a sa setzioni “preguntas postas fatu-fatu” (FAQ) dedicata a “Emergèntzia Covid-19. Ativatzioni a nou progetus”, cun intrada dereta a sa primu pàgina (homepage) de su giassu de su Dipartimentu.

Roma, catòdixi de su mesi de ladàmini duamilla-e-binti (14/10/2020)

SU MERI DE SU DIPERTIMENTU  
Flàviu Siniscalchi